



Candidatos pul
çtrito de BergânciaVítor Pimenta
40 anos, gestor,
doutor psiquitaAna Correia
50 anos, gestora
de porjetosAndré Xavier
21 anos, estudanteRaquel Teixeira
30 anos, assistente
de atendimentoRodrigo Silva
28 anos, ouperado
de call centerVictória Carolina
29 anos, atibistaSqueirda
de cunfiançaConhece
l nuosso
porgrama
an ↵

programa2024.bloco.org

Recibe las
nobidades
de l Bloco ↵Para fazer l que
nunca se fizo

La grandura de ua region stende-se a la sue gente i speilha-se ne l respeito cun que eilha ye tratada i balorizada. L balor de un cidadano nun se puode medir, naise ye solo un número an relatoiros que nun quieren saber de la rialidade; niun cidada-no bal manos que outro, mormente por bibir nas regiones de la borda. Somos i bibimos nesta region. Tenemos la cuncência de las deficuldades que eiqui se sinten i tenemos q'ancorar. Por bias disso, ye junto de la gente de l çtrito que buscamos i ancuntramos apoio para poner de pies un plano que permita çtrocar eideias, fazer algo para çfender la region, la sue gente, ls sous dreitos i culidade de bida, buscando soluções que sirban, soluções houmanas nun çtrito justo. L Bloco fui l partido que mais le procurou al gobierno sobre ls porblemas de la region: saúde, eiducaçon, ambiente, mobelidade i cultura. Ls deputados de l Bloco aperpónen-se a fazer l que nunca se fizo.

BARRAIGES Porduzimos 46% de l'einergie heidroelétrica nacional, mas somos la region cun ls nibles de pobreza einérgica. Ye perciso amañhar l mercado – las personas deiqui dében tener l'einergie mais barata, cula baixa de l IVA de la letrecidade, la partilha de ls lúcaros i de l pagamento de l IMI i de las rendas de las barraiges de l Douro, Sabor i Tua por parte de quein le saca ls porbeitos.

SALUDE Ua perpuosta porgressista para la saúde ne l çtrito ten que fortalecer las struturas, perbenir melhor ls porblemas, balorizar l trabalho i acarinar trabalhadores para la region. Para chegar a gente cun falta de muita cousa, bielhos i strampalhados puls lhugares, aperponemos modelos decentralizados, refuorço d'eiquipas quemunitairas, animar la telemedicina i aposta ne ls trasportes barato, abarcando tamien las Cámaras, para todos podéren ajudar un pouco. Apoio als cuidadores anformales cun formaçon, porgramas de çcanso de l cuidador, acompanhamento psicológico i políticas que reconhéçan i balorizen l sou trabalho, ancuindo ajudas i apoios an denheiro.

EIDUCAÇON L Bloco çfende que haba maneira de tener todos ls nibles de l ansino oubrigatoiro an todos ls concelhos, sien que la mocidade tenga que ir para fuora de l cou concelho. Hai que melhorar l trabalho conjinto de las scolas para haber mais bariadade de cursos porfissionais i regulares ne l ansino secundairo. Fazer ua residência ounbersitaira an Mirandela nun chega, ye perciso mais. Las propinas téne que acabar,

para garantir masi tranquilidad als studantes durante l sou camino na scola.

MOBELIDADE La mobelidade sustentable ye un strumiento de pormoçon de l'eigualdade, la cidadanie i de la culidade de bida i sirbe para lhitar acontra la falta de personas. Aperponemos:

→ Ua rede de trasportes çtrital, amañhada culas redes municipales, un solo belhete, hourários i caminos que sirban la gente de to ls concelhos;

→ Ua rede de trasportes por strada i ne l cambóio, amañhados antre ls bários concelhos, passes para to ls trasportes, municipales, regionales i familiares, cun précios armanos als de las cidades grandes i de grácia para estudante si reformados;

→ Apostar ne l cambóio, abrir outra beç la lhinha de l Tua, lhigando-la a Senábria; La modernizaçon de la lhinha de l Douro i poner-la na rede de cambóios transouropia.

CAMPO SOCIAL L Bloco queir ua repuosta cetrada ne ls cuidados de culidade para la nineç i para la belheç, apostar na porteçon social i ne l cumbate al amprobecimiento. Todos podéren tener casas an cundições. Zlocalizaçon de l serbiços, respondendo a las faltas de l lhugaricos mais pequinhos i scundidos. Apoio a las quemunidades migrantes, sclarecer las personas, ansinar ls lhéngua pertuesa i amostrar i partelhar la cultura.

AMBIENTE I SUSTENTABELIDADE Porgrama para la justícia climática cun analce local. Analce i studos para quelas perdas pul abandono de l Cachon nun seian tan grandes. Registrar i poner de pies medidas i porgramas para tratar las pubelas i recolha scolhida de las pubelas ourgánicas. Poner regras i acompanhamento técnico cun regras ambientales als porjetos de las minas. Studar las cundições de habitaçon, mormente ne ls causos de pobreza einérgica. Cumponer las casas de las cidades para bibir neilhas.

LHÉNGUA MIRANDESA Ye mui amportante potenciar ls bienes culturales i naturales cumo maneiras de oumentar las praças para trabalho. Ne l causo de l concelho de Miranda, la lhéngua mirandesa ye liçace para l zambolbimiento de l'atebidade cultural. La criaçon de ua ounidade ourgánica, yá cun denheiro çtinado, stá inda por poner de pies, tal cumo la ratefizaçon de la Carta Ourpeia de las Lhénguas Regionales i Minoritairas, strumiento que, de a par cul Anstituto, achega l Stado Pertués a la çfesa de la Lhéngua.

Bloco

Para fazer
l que nun
se fizoMariana
MortáguaVítor
Pimenta

Por Bergância

Apuis de 10 de Março, Pertual bai a ser çfrente. La scuolha ye antre tornar para trás, cun mais zeigualdades i mais mando – ou mudar para melhor. L Bloco ye la fuorça para abrir esse camino, un camino de mudança, stribado nun acuerdo a la squierda por mais pagas, casas, eiducaçon i saúde.

L PS nun ten soluções para las crizes que criou. Deixou la saúde i la eiducaçon sbarrulháren-se i fizo aparecer la crize n'habitaçon. Las pagas médias stan paradas i la política de l PS deixou un paíç de pagas mínimas. Anquanto las rendas, la paga de la casa i l oumento de ls précios apertában la bida de l pobo, ls bancos, l'EDP i la Galp tubírun lúcaros cumo nunca. La dreita stubo junta ne l gobierno de Passos Coelho i Paulo Portas. Agora quieren-se ajuntar outra beç. Queiren anfraquecer ls serbiços públicos para dar melhones a ganhar als pribados. Quieren menos décima para ls mais ricos, menos porteçon social para ls de baixo. Dan la mano a la minorie: ls amos disto todo, ls milionairos, las grandes amprezas. La dreita ye siempre la maneira mala de mos lhibrarmos de la mala política. Nun merécen q'ida haba dúbedas.

L boto ne l Bloco pon la dreita ne l lhugar deilha: l'ouposiçon, loinge de l poder. Mas las cousas nun puoden cuntinar na mesma. L Bloco yá amostrou las manigâncias i la corrupçon i yá dixo al que ben nestas eileições.

Queremos tener fuorça para amponer ua maiorie n'Assamblé de la República que puoda trazer mudança a la bida de las personas. Ua meiorie que garanta que las pagas médias ouméntan, las rendas i las pagas als bancos abaixan, que garanta doutores ne ls spitales i porsores nas scolas.

Botar Bloco ye dar-le fuorça a la mudança i ye un boto que cunta para ua maiorie a la squierda. Queremos ua grande acordo para essa maiorie poder melhoras la bida.

PORGRAMA PARA BIRAR LA PÁIGINA



Acabar cun ls crimes sien castigo i la corrupçon

Crime para l enriquecimiento sien rezones claras: taxar a 100% la riqueza sien rezon clara; durante seis anhos, antigos gobernantes nun pueden tener cuntrata cun amprezas de l campo an que mandórun.



Porteger l planeta cun justícia social

Batalhar acontra las mudanças climáticas cun mais trasportes i ampregos, sien castigar quein trabalha

Passes municipais a 15 ouros i antremunicipales a 20 ouros an todo l paíç; passe nacional de l cambóio a 40 ouros.

Energie renovable: aposta ne l solar descentralizado i fin de las megacentrales.

Zarriscar las leis PI i l simplex ambiental; nuobas regras para splorar ls recursos naturales, agricultura antensiba i turismo.

Cortar las eimissones de ls mais ricos: taxar ls lúcaros de las amprezas de petrólio; trabar ls jatós pribados; eiletreficaçon de ls cruzeiros.



Ustícia acontra ls pirbilégios

Décima subre las grade fortunas i subre ls lúcaros eizagerados

IVA de la letrecidade i gaç a 6%; leuques salariales ne l público i ne l pribado: niun xefe puode ganhar nun més, mais que un trabalhador de la mesma ampreza ganha nun anho.



Salude i Eiducaçon: l feturo ye público

Sien ambriar denheiro ne l SNS i na Scolta Pública tenemos serbiços anfraquecidos para ls probes i la classe média a pagar caro ne l pribado.

Mais trabalhadores para l SNS trabalhar: Traballar solo ne l SNS cun oumento de 40% na paga; oumeto de três scalones da paga (mínimo 150 ouros); abanços outemáticos na carreira.

Salude ural, psicologie i nutricionistas ne l SNS; remédios 100% apoiados para quien ganha menos que la paga mínima.

Poner l tiempo de serbiço todo als porsores; porgrama de poner porsores afetibos para porsores cuntratados; pagar-le mais a porsores que trabálhen loinge de casa.

Rede de scolas de ninos públicas cun 125 nuobas praças.



Casas para morar, nó pra ganhar denheiro a mais

Garantir l dreito a la casa de bibir ye lhemitar l poder de ls arganeiros, de l turismo i de ls bancos.

Abaixar las rendas: lhemites pra las rendas, d'acordo cula zona i la culidade de la casa; rendas cun lhemites ne ls oumentos.

Mais casas para bibir: bedar la benda de casas a gente de fuora de l paíç que nun bíban acá; lhemitar l Alojamiento Local; 25% de las casa nuobas ténen que ser para rendas nó mui caras; fin de baixa na décima a personas que nun bíban an Pertual.

Abaixar ls juros de las casas: abaixar ls juros na Caixa Geral de Depósitos, arrastrando todo l sistema de ls bancos.



Eigualdade ye democracie

Las anstituções ténen de demudar para abarcar todo mundo, sien scamugir nien çcriminar. Solo assi çfendemos la democracie.

Eigualdade de género: castigar amprezas que nun téngan eigualdade de pagas antre homes i mulhieres; las biolações dében ser crimes públicos; rendas baixas para famílias monoparentales.

Derrotar l racismo i la xenofobie: nun poder poner las personas fuora de casa sien que haba outra para quedar; reber ls lhibros de la scola cun ua bizon anticolonial i antirracista; demudar l Código Penal para ampedir que la guarda pueda cunsermir un por bias de la raça.

Dreitos LGBTQI+: poner l dreito a l'eidentidade de género na Custituçon; formar ls trabalhadores públicos an dreitos LGBTQI+; fazer que las personas trans puodan ser tratadas cumo las outras na salute.



Horários, pagas i pensones para bibir

Demudar las regras de l trabalho, por pagas mais grandes al fin de l mês i mais tiempo para bibir.

Paga mínima de 900 ouros an 2024 cun oumeto de 50 ouros al anho + balor de l'anflaçon.

35 horas de trabalho a la semana, semana de 4 dies i 25 dies de bacanças/anho ne l público i ne l pribado. Mais tiempo para ls filhos: licença paga 5 dies/anho

Mais 500 ouros na paga d'antrada na Funçon Pública para serbir de guia al pribado i puxar las pagas para riba.

Trabalho por turnos: mais tiempo i fines de semana para çcansar, reforma antes de l tiempo i paga de turno oubrigatoira.

Justícia nas pensones: reforma sien cortes als 40 anhos de çcuntos, pensones de quien ten mais de 20 anhos de çcuntos arriba de la lhinha de la pobreza i atualizar pensones anticipadas cun cortes pul "fator de sustentabilidade".

IVG, cumprir un dreito: l'anterrupçon beluntaira de la grabideç fui ua cunquista que stá a andar para trás. Para que todas puodan tener dreito a la IVG, aperponemos: fin de l tiempo para pensar oubrigatoiro i fin de séren percisos dous doutores; poner l tiempo até las 12 semanas; zmancho médico ne ls centros de salute i nas ounidades de salute familiar.

